

ЛОВЬЯ КЫІВ

2008 вося лӧддза-ночъя 24 лун

1 (25) петас



**Анна Козлова,
Емдін районса Эжолты сикт**

* * *

Дзользьӧны лэбачьяс,
Луныс зэв шань,
Видзӧдӧ вылісянь
Шондібан-ань.
Кельыдлӧз енэжас
Дзирдалӧ лым,
Тэнад со банбокыд
Кӧдзыдсьыс пым.

* * *

Ме видзӧда енэжӧ...
Лӧз...
Лолӧй кыпыджык, кыпыджык...
Вез...
Вӧсни вез,
Быттьӧ енэжӧд сунис.
Аддзан: весьтасӧд енэжас суніс.
Тайӧ быттьӧкӧ кодлӧнкӧ лолыс
Кайис сунисӧд
Райӧ...

* * *

Ме, гашкӧ, енэжас лэбышта, лэбышта,
Ярьюгыд шондісӧ малышта, малышта.
Сэки и бордъясӧй сотчасны.
Гашкӧ, тэ менӧ тшӧтш кутыштан,
Неуна
Ас бердад матыстан,
Сывйыштан меліа,
Сӧмын эн сёрмы...



Анастасия Напалкова,
Кулөмдүн районса Помёсдін сикт,
Скөрөдум грезд

Тулыс

Муса сиктөй, Помёсдінөй!
Тэнад йөрө тулыс воис,
Томуловос корис дінас,
Гажа олөм налөн лоис.

Саридз кодьон лоис Помёс,
Кильчө дорөдз воис йиыс,
Радось пөрысыыс и томыс –
Өзйө сьолөм пытшкын биыс.

Победа лун

Май 9-өд лун...
Сійө югьялө гажөн!
И ывлаыс йөзөн нин тырөма важөн.
Мед гримнитө салдатлы сіөм салют!
Мед йөлөга ас пытшкас шысө оз кут.
Ми казтылам тэнө, войнаса герой...
Ог вунөдөй некор! Ог вунөдөй дой...
Став сьөкыдсө пыкин...
Но вермин, и – рад!
...Ми видзөдам тіянлы сіөм парад.

Коль ачыг томөн!

Кор «Би киньлөн» номерыс олөмө петө, –
Сэк сьолөмсө челядьлы помөдзыс сетө!
И аддзан сьэс томьяслыс нюмьялыс чужөм...
Өд артмөма журналыс! Эм тай со кужөм!
Вай сөвмы жө, «Би киньөй»,
Кузьта да вомөн!
И өтитор кевма ме:
Коль ачыд – томөн!

Чужан мулы

Юр бергөдана туйөй...
Көть кытчө тэ эн ну,
Ме некорыс ог вунөд
Ас чужан, мелі му!
Ме тані коркө чужи,
Ме тані ковма пыр.
Ме шуи – кызди кужи,
И долыдлунөй – тыр!

Тулыс

Коми муө воис тулыс.
Мичаммөма ывлавыв.
Гажмис мулөн улыс-вылыс:
Майбыр, муыс важөн сыв...

Лэбач кельөб качө вылө.
Мудзөм бордьяс налөн жуй...
Утка герчкөм көнкө кылө, –
Бөрө коли ылі туй.

Воас кад, и позйыс петас
Вылпыс чужөм лэбач пи.
Сылы мамыс олөм сетіс.
Мортөй, лэбачсө эн ви!

Диана Прокушева,
Сыктыведін районса ЫБ сикт

Менам муса чужан кыв

Чужан кывйөй, кутшөма ме тэнө радейта! Кутшөм тэ меным муса! Тэнсьыд юргөмтө, мелі сьылөмтө ме кылі, кор сөмын на чужи тайө му вылас. Тэ аслад мича кывъяснад пырин менам сьолөмө, йитчин менам ловкөд. Лоин кыпыдөн, сөстөмөн, вежаөн...

Ме кылі тэнө мамлөн сьыланкывъясыс, кор сійө менө, ичөт гагаос на, кутіс мездорас. Ме кылі тэнө вөрпу шувгөмыс, шорлөн чольгөмыс, лэбачьяслөн дзользөмыс – аслам чужан муыс. Ме кылі тэнө... Кылі тэнө быдлаыс, кытчө көть эг мун. Тэ олан менам сьолөмөн да луныс-лун пыр лоан мичаджыкөн, вынаджыкөн...

Тэ – медся донаыс, мый менам эм! Тэ – медся коланаыс, тэ – медся мусаыс...

Ме радейта тэнө, чужан кывйөй! Кор кылан ассьыд чужан кывтө, став муыс лоө югидөн. Быд пу, быд дзоридз, быд керка, енэжын кымөръяс, вөртасыс, шондыс – ставыс быттьө нюмьялө тэныд меліа да шаня. И меным зэв нимкодь, мый ме кужа сёрнитны тайө мича кывнас.

Дона коми кыв, ме төда, мыйыс тэ сэтшөма шогсян: пыр этшаджык и этшаджык морт кутіс сёрнитны тэөн. Весиг найө, коді төдө коми кывсө, рочасын зильө. Мый вөчны? Кызди тайө дойсө венны. Вунөны сьыланкывъяс, обычаяс, шусьөгьяс, сөмын ыджыд гажьяс дырйи «ключитласны» коми сьылантө, а кывьяссө и ог нин төдөй. А тайө өд миян ловным! Мукөдсьыс торьялөмым! А регыд и висьтавысө ог кутөй кужны, кутшөм паськөм новлісны комияс. Оз велөдны бать-мамыс челядьсө комиөн сёрнитны. Юркарын нин унджыкыс роч, мукөд кар йывсыс и сёрныс абу. Сөмын сиктьясын комиыс эм на.

Суйөр сайө гөсьтитны ветлігөн и козьнавнысө казтылөм вылө нинөм. Коми небөг лэдзанін бырис да небөгсө ньөбны некыс лоис. Кызди сэсса он бөрд, вунөдөны кө тэнө, чужан кывйөй, оз доньявны? Өддортам коми кывсө: ог гижөй, ог сёрнитөй сы вылын. А кывыс мича, кыпыд, сөстөм да шоныд.

Тайө кывсө ме кута велөдны пыдіджыка да бурджыка. Тавосьянь ме велөдча искусство гимназияса гуманитарнөй юкөнын. Бөрйи тайө туйсө ачым, став сьолөмөн радейта коми кывсө да. Гашкө, коркө лоа велөдысьөн да кута посни челядьсө велөдны тайө кывъяс. А өні некод на оз төд, збыльмасны-ө менам көсйөмьясөй. Но ме эска, мый лоа коми кыв велөдысьөн.

Ме көсья чужан кывлы сөмын бурсө, и вөча ставсө, мед сійө уна во на сөвмис да нималіс. Коми кыв – шонділөн югөр, коді югзьөдө менсьым туйөс. Туйыс эм, и ме муна нин сы кузя. Оз ков коньясыны, оз ков усьны, колө төдны, мый ме аслам вынъясөн воөдча көсйөмөдз, аслам мөгөдз.

Воөдча кө ме, воөдчасны и мукөдыс. А сідзкө, коми кывсө кутасын паськөдны нөшта на унджыкөн. Өд татшөм мича кывсө колө төдны! Колө радейтны да видзны!

Юлия Морокова,
Луздор районса Абъячой сикт

Мам кыв кедзовтысьяслы воча кыв

Чужан кыв кедзовтом... Сэтшом абу лосьыдось тайо кывъяссыс отлаинсö. Кызди нö поэзо кедзовтны мам кыв, чужан кыв, увтыртны сийос, лекöдны? Но век вöлины и эмось сэтшом йозыс, кодъяс збыльысь оз пыдди пуктыны мам кывнысö. И тайо зэв ёна майшöдлö. Öти-кö, сы вöсна, мый ми, комияс, яндысям сёрнитны чужан кывйөн. Рочъяс да весиг суйöрсайсаяс и велöдоны, и сёрнитöны (дерт, оз öткодя быдөн) комиён, а ми яндысям, родам, полам. Мöд-кö, школаясын дугдिसны пыдисянь да бура велöдны коми кыв да литература. Велöдам сідз шусяна кык часа программа серти кызди каналан кыв. Коми да роч челядьöс öтлаин велöдомыс вайöдö сэтчöдз, мый роч да мукöд кывъя ныв-зон оз велавны сёрнитны комиён, а на вылö видзöдöмөн и комиыс кодзалöны чужан кыв дорас.

Геннадий Юшков Владимир Тиминкöд ёрта сёрниын зэв стöча шуис («Войвыв кодзув» журнал, 2007 во, 3 №):

*Тайö му вывсьыс коркö кö бырам,
Сэсся некöн оз комиыд ло.*

Дерт, оз ло. Огö кö Коми му вылын кутöй сёрнитны комиён, кöни нö сэсся? Оз ло коми мортыс. Бырас коми кывйыс. Да и Коми муыс оз ло комиаслөн. И тайö майшасьöмыс чужис эз талун, а важөн нин.

А мый ми вермам вöчны коми кывсö водзö сöвмöдöм могысь? Ме аслым вочавидза тадзи: бура тöдны чужан кыв, водзö велöдны сийос, сёрнитны комиён яндысьтөг, лыддыны коми небöгыяс. Öни лэдзöны на коми небöгыяс (и найö зэв мичаöсь), петöны на коми газет-журнал, юргö коми сёрни радиовын да телевизор пыр. Культура керкаясын да театръясын эз на быр коми репертуар. Но сöмын тайон он на вермы сöвмöдны кывтö, асьным кö ог кутöй сёрнитны чужан кыв вылын. А ми унаөн яндысям сыысь. Мыйла? Мыйён комиыс лекджык мукöд кывйысь? Нинöмөн абу. Яндысям сы вöсна, мый коми мортыс этшнас вежавидзысь да лöнь, оз кöсйы петкөдлыны асьсö мукöд йоз водзын, оз кöсйы мыйөнкö торъявны мукöдысь, кöть чужан кывйыс и лоö торйöданаторнас.

Эм и мöд мытшöд. Миян республикаын унаөн оз кужны, да и оз кöсйыны сёрнитны комиён. Но ми вермам найос вөрзёдны. Кöть ичötика. А артмас тайö, кор комиыс бура гөгөрвоас, мый быд войтыр олö сэтчöдз, кытчöдз олö сылөн кывйыс. Бырас кыв – бырö-вошö и войтыр. Сідзкö, эм кö коми кыв, сэки:

- эм коми войтыр, коми морт;
- эм коми оласног, коми культура;
- эм Коми му, кöни олöны коми йоз да сöвмö налөн культураыс.

Став тайö «эмыс» топыда йитчöма öта-мöдыскöд.

Ми ичötысянь кылам чужан кыв, сёрнитам сы вылын, велöдчам гижны да лыддысьны мам-батьлöны кывйөн. Коми кыв бура тöдöм подувылын кокниджыка велалам роч да суйöрсайса кывъясö. И збыль öд: поэзо сёрнитны кöть кутшöм кывйөн, но медся стöча да медся бура асьыд мөвптö верман висьтавны, дерт жö, чужан кывйөн.

Сідзкö, колö радейтны да велöдны чужан кывтö.

Вера Логинова,
Удора районса Пызьдін сикт

Выль ёрт

Со и помасис велöдчан во. Школа кильчö помын гажаа варовитисны челядь, сёрнитисны гожа каникул йылысь.

Ывлаын вöли шоньд, кöнкö сьылисны лэбачьяс, шондйыс лышкыда койис югөръяссö му вылö. Ставöнлы вöли долыд, мый пöттöдз купайтчасны, вуграсясны, чукöртасны тшак да вотос, тырпöт узясны, а, гашкö, кытчöкө ветласны гөсьтитны...

Сöмын Катя гажтöма, юрсö лэдзöмөн, ньöжйөнник довгис-мунис гортас. Нывкалөн доршасис синваыс. Öд талун, вося оцекаяс тэчигөн, Мария Петровна шуис, мый Катялөн биологияысь петö «4». А Катялы неважөн батьмамыс шуисны, ставыс кö пö «5» лоас, мөдöдласны сийос саридз дорö шойччыны. Катя важөн нин думайтис та йылысь, весиг вöтасис, мый куйлö баруна моз лунвывса шоньд лыа вылын да нимкодьясьö помтöм-дортöм лөз мореөн. А öни... Ковмас гожöмсö коллявны сиктын.

Нывка матыстчис керка дорас, но дзик пыр эз пыр гортас. Пуксис кильчö вылö. И юрас бара воисны саридз йылысь мөвпъяс. Öд Катя во чöж бура велöдчис, кöсйис помавны восö отличницаөн да кöть öтчид ветлыны ылі саридз дорö, кöни Маша нывъёртыс шойччылысь быд гожöм.

Катялысь жугыль мөвпъяссö торкис сьод сера пон, коді куйлис неылын да гажтöма, кызды сылы кажитчис, видзöдис тöдтöм нывка вылö. Сэки Катя думыштис, мый понлы тшöтш мустöм да лөк, и чукöстис:

– Жучка, Шарик, али коді тэ? Лок татчö!

Пон дышпырысь матыстчис нывка дорö. Катя кутис малавны сийос, и пон водис нывкалөн кок динö. Катя перйис сумкасыс чöскыд шаньга, кодос вунöдис сёйны школаын, да сетис понлы. А сэсся ставсö сылы вашкөдис саридз йылысь, оцекаяс йылысь, мам-батьйывсьыс. А пон быттö гөгөрвоис сийос да жальпырысь видзöдис сы вылö. Кор Катя дугдис висьтавнысö, пон гажаа увтыштис да нюлыштис нывкалысь синвасö. И нывка быттö выльөн аддзис, мый ывлаыс шондйа, гажа. Сылы сьолöм вылас лои кыпид, долыд, и сийö стöча аслыс шуис, мый öни повтөг пырас гортас, ставсö висьталас бать-мамыслы. Мед сийос видасны, мед оз мөдöдны ылі саридз дорö... Сы пуд талун сийö аддзис аслыс выль ёртос.



Ольга Габова,
Корткерос районса
Одыб сикт

Муса гижысьы

Сиа
Нина Никитична
Куратовалы

Менам муса гижысь,
Олан-вылан кыз?
Тянлы со гижя,
Олам-вылам кыз.

Мамö асыв чеччас,
Пыртас пес да ва,
Мосьясос идралас,
Юктодас кöза.

Сэсса пач вом дорын
Бурпöт сэн ноқсяс,
Медым чеччас батьö,
Пöсь сёян сёяс.

Воас луншöр кад нин,
Паляла и ме,
Кокö сюя кöмкот –
Сьывны муна ме.

Сьылöм бöрын, дерт нин,
Йöктыны кольчча.
Локта гортö сёрөн,
Ёна мудзсьöма.

Мамö öшинь дорын
Книга-н пукалö,
Тянлысь гижöдъяс
Гусьöник лыддьö.

Чужöм бокас сийöс
Окышта ме, дерт,
Менам муса гижысь,
Эн вид мянöс.

Тян гижöдъяс мед
Лунысь-лун петас.
Кодзувьяс моз тэнö
Медым югзьöдас.

Наталья Кузнецова,
Кулöмдин районса Дон сикт

Олöм овны абу потшöс вомöн вужны

Нина Куратовалысь «Куим вожа тополь» да Чингиз Айтматовлысь
«Тополёк мой в красной косынке» гижöдъяс öткодялöм

Нина Куратовалöн «Куим вожа тополь» повесътыс ёна воис меным сьölöм вылö аспас мелія висъта-сьöмнас да сиктса йöзлысь олöмсö кужöмөн восьтöмнас. Аспам сьölöмкылöмъясөн юкси коми кыв да литература велöдыськөд. А сийö юалис, тöдса-ö меным Чингиз Айтматовлөн «Тополёк мой в красной косынке» гижöд? Вочавидзи, мый гижысьсö важөн нин тöда да гижöдъясыс воöны сьölöм вылö. Сэки и шуим видзöдпыны, мый öтувтö тайö кык повесътсö.

Быдөн тöдö, мый Нина Куратова – нималана да пыдди пуктана коми гижысь, а Чингиз Айтматовлөн нимыс и мир пасътала тöдса. Кызди нö артмис, мый налөн гижöдъясыс лоины сэтшö матынöсь öта-мöдылы. Гашкö, сы вöсна, мый найö видлалöны некор куслытöм тема: радейтчöм, шуд корсьöм да сийöс видзöм, олöмö кутчысьны кужöм? Öд кодлөнкө олöмас ставыс тайö эм, а кодлөнкө абу.

Гижöдъяслөн матыслуныс тыдалö нин нимсяныс, кыкнанас эм тополь кыв. Комиён сийö – оржы. Көть и оз быдмы мяян вөръясын, но коми нимыс эм. Тыдлаö, быдмылöма пöль-пöчнымлөн важъя оланінас тупукöд, пашканкөд, чиякөд тшöтш.

Видзöдпыны кө тайö пу вылас уджалысь мортлөн синмөн, оржыыд быттö и абу зэв колана: пес вылö оз туй, ни он вöч сыысь нинöм. Да и вужъясыс му веркöс дорас матынöсь, быд ыджыдджык төвнырысь вермас пöрны. Каръясын, öдйö нюжалö да, быдтöны на сынöдсö весалöм могысь. Но абу та йылысь сёрныыс.

Кыкнан гижöдас топольыс лöö радейтчöмлөн пасөн да повесътыясас налы сетöма тöдчана ин. Сюжетыс öд гижöдъясас, позьö шуны, традиционнöй: куим морт костын радейтчöм.

Нина Куратовалөн тайö Данил да сийöс радейтысь аняяс. Армияын Данил тöдмасьö Белорусияса мича ныв Лилякөд, но тöдмалö, мый ра-

дейтана нылыс мөд мортсянь виччысьö кага да пöсь вывсьыс гөтрасьö Лилялөн Галя чой вылö. Данилос оз гөгөрвоны мамыс ни ас сиктсаясыс, мый пö аддзöма татшöм мича зонмыс косіник да сьöдіник нывсьыс? Но Галиналөн мелілуныс, сибыдлуныс, зільлуныс сывдöны сьölöмсö и энъка-мамыслысь, и верöсыслысь. И сэки гозъя костö сүйсьö Даниллөн томдырся сьölöм косътысьыс – Сандра. Галя, татшöмтортö тöдмалöм бöрын, пышйö верöс дорсьыс.

Чингиз Айтматовлөн Ильяс нима шөр геройыс тöдмасьö аулысь мичаник Аселькөд. Том йöз радейтöны öта-мöдсö. Ильяс пышйöдö Асельöс, позьö шуны, венеч улысь да гөтрасьö сы вылö. Чужö кага, сьыв да ов сöмын, но, бара жö, гозъялысь шуда олöмсö торкө Кадича, Ильяскөд öтлаын уджалысь ань. Асель, Галина моз, энöвтö верöссö.

Сідзкө, ми аддзам, мый кыкнан повесътас петкөдлöма öта-мöдсö радейтысь йöзсö. Нывбабаясöс кө петкөдлöма вынаөн, сьöкыдлунъясыс повтöм йöзөн, мужичöйяс дзик мөдарö. Найö оз кужны видзны семьякостса шудсö, вузалöны радейтчöмсö да та понда воштöны гөтырнысö.

Матынöсь повесътыясыс и кытша композицияөн. Важас видзöдлöмыс отсалö лыддысьысыслы сувтöдны син водзас шөр геройясыс оланногсö: öнія кад йылысь висъталöмсянь гижысьяс бергöдчылöны важас, да бара воöны талунъя кадас.

Нöшта меным окота лоис адзысьлыны Нина Никитична Куратовакөд да тöдмавны сылысь, кызди чужис повесътыс, эм-ö геройяслөн прототипьясыс, кызди донъялö Чингиз Айтматовлысь гижöдсö.

А ме чайта, мый öткодявны тайö кык гижöдсö позьö сы понда, мый сюрöссö гижысьясыс босьтöмабсь олöмсьыс, көні тырмымөн и бурыс, и лёкыс, радейтчöмыс и торъялöмыс.

Ирина Игнатова,
Кулөмдін районса Помөсдін сикт

Тима Вень йылысь

Очерк

Вениамин Тимофеевич Чисталёв... Тима Вень. Кодлыкө – коми гижысь, чужан кывъя литературалысь подув тэчысь, а меным медвойдөр – нималана земляк. Ме чужлі да ола Помөсдінын, көні коркө чужліс да тувччаліс Вениамин Чисталёв. Тан гөгөр на өвтө Тима Вень «көрөн». Любуйтчан веж пожомъяса паркөн да тодан: тайө пуяссө коркө абу лэдзөма пөрөдны Чисталёв. А со нэмөвөйся нияяс, садитлөма найөс ачыс гижысь. Жаль, оз кужны пуясыд сёрнитны, унатор эськө висьталісны миянлы! Орччөн – Тима Веньлөн керкаыс. Пыр на жө зымвидзө, көть некод нин оз ов сәні. Тан гижысь чужліс, верстыамис. Тан, балкона мөд судтаас, гижліс кывбуръяссө да висьтыяссө. Вой шөрнас кө, ошинь пырыс тыдаліс эськө, кызди карасина лампа дорын уджалө Вениамин Тимофеевич... «Эн увгөй, – вашкөдөны өта-мөдыслы Помөсдінса войпукысыя. – Тс-с-с... Писар Вень (тадзи шулөмаөсь сиктсаяс Чисталёвөс) гижө...»

А Вениамин Тимофеевич мөдарө, востьтө ошиньсө да корө: «Сыылөй-гажөдчөй, мед ме кыла! Бурджыка гижсө сәки!»

Тэрмасис Тима Вень гижнысө, тэрмасис... Быттө сьөлөмнас кыліс: регыд нин сылы коліс овны тайө му вылас. Помөдз эз эскысысь, мый и сійөс арестуйтасны. Но со тай локтісны. Став гижөдсө нуисны. Мешөкъясөн. Сідзи сәсся кытчөкө и саймовтчисны...

Чужліс Тима Вень 1890 вося октябрь 8 луно (важ ногөн). Быттө ачыс Судьяыс бөрйөма бать-мамсө. Тимофей Иванович грамотаа морт, вөлөсьтса писар, земскөй гласнөй. Пыдди пуктана морт. Эз өд весь Романовъяслөн династиялы 300 во тыригөн медаль сетлыны. Отитор көсийс, мед челядьыс велөдчасны. Помөсдінса начальнөй школа бөрын мөдөдіс Веняөс Дереваннөйса мөд тшупөда школаө. А сэтшөм дыш вөлі Венялы муннысө! Гажтөмысла весиг бөрдліс, дум вөлі весиг «школасө гөрд пуктөкөн качөдны». Гажтөмсыс мынтөдчис небөгъяс отсөгөн. Библиотекасыс ставсө лыддис. Сәсянь и мусмисны небөгъясыс.

Водзө батыс мөдөдө Вениаминөс Тотьмаса учительскөй семинарияө. Бара абу окота сэтчө Тима Веньлы. Думсыс көсийлони «культурнөй крестьянинөн». Та вөсна ёна оз и майшась, кор Тотьмаад «өдзөс вылө» индөны.

Медся муса Помөсдіныд! Майбыр тан овны! Пыр тадзи мөвпавліс Тима Вень. Босьтчис велөдны челядьөс. Но сыөдз ковмис уджыштны Пожөгын, чужанінас местаыс эз ло да. Сэн чужөны медводдза коми гижөдъяс. А водзө вөлі ас чужан сикт. Окотапырысь уджаліс Вениамин Чисталёв! Пыр – челядькөд, пыр – верстыөкөд. Пыдди пуктанаөн лоис.

А сәсся первой мирөвөй война. Веськаліс Чисталёв Украинаө. Видзөдіс сэтчөс вөр-ва вылө да

шөпкөдіс аслыс: «А миян Комиын вөр-вайд нөшта на чуймөданаджык...» Окота бара лои гижны, гижны, гижны... Вөр-ва йылысь, морт йылысь, быдтор йылысь.

Воис бөр гортас. Примитис ловнас революция. Нимөдіс сійөс. Көть некор эз вермы мөвпыштлыны, мый «выль олөм вөчысыяс» асьсө «буржуазнөй националистөн» шуасны да дзескыдінө йөртасны. Гудыр олөм визьө веськалө коми гижысь. А өд некодлы эз мешайт. Сөмын гижис, гижис, гижис... Тэрмасис. Петісны кывбуръяс, висьтыяс, пьесаяс. Но правдаыс уналы эз кажитчы. «Трипан Вась» висьтысь төкөтьө «эз сөйны». Весиг ёртъясыс өтдортчылісны. Но Тима Вень синіс асланьыс. Та вөсна и коліс йөз вежөрын сөмын бурөн. Аслыспөлөс кывъя сөстөм гижөдъясыс и талун на олөны. И кутасны водзө овны, кытчөдз олө коми морт.

Тима Веньлөн нимыс вель дыр кад кежлө вошліс. Но петісны выль небөгъяс. Кулөм бөрас нин. Шуисны сійөс «Коми му сылысьөн». Тадзи и эм. Коми вөрваыс Тима Веньлы вөліны мамөн и батыөн. Ловъя кө эськө талун вөлі Тима Вень, төдөмысь, экологөн лоис. А аддзис пылльөмпазөдөм вөрсө да сьөлөмыс эськө шөгөн тырис. Но тайө – мөд сёрни нин.

Миян Помөсдінса школа новлө Тима Веньлысь нимсө. Быд лун аддза стөнын ошалысь портретсө да шуа: «Чолөм, коми гижысь, чолөм, менам земляк! Ми гөрдитчам, мый өти муын олам. Велөдам кывбуръястө да висьтыястө. Сідзкө, ог вунөдөй. Некор ог вунөдөй!»

Гожөм

Ывла вылын шоныд кад,
Быдөн шоныдыслы рад.
Шоныдінө сьөлөм кыскө,
Гажөдчыны бара ыстө.

Турнавны со бара колө –
Но ми сійөысь ог полө.
Турун керны кутам гажаа,
Өд шонді вылын на да пөжө.

Рытнас купайтчыны мунам,
Ва пиө ми өдйө сунам.
Гажапырысь ворсны мөдам,
Лыасө ва пиас лөдам.

Ольга Можегова,
Луздор районса
Ношуль сикт,
Лихачёвка грезд

Уна во нин коліс

Уна во нин коліс бөрө
Сы бөрын, кызд быдмис вөр.
Паськыд видзьяс, сөстөм юяс,
Төдпытөм на дона муяс.
Но, а сәсся ставыс вежсис,
Вөр-ва быдсямөныс пежсис.
Другөй, төд, өд вөр-ва кылө –
Омөльторыйд оз ну ылө.





**Василий Чупров,
Изьва районса Гам сикт**

Ямалӧ — погӧн

Россия пыр нимавліс ветлысь-мунысьясӧн, чужан му туялысьясӧн. Быд поводдя дырйи найӧ туйынӧсь. Путешественниклы колӧ лоны вынаӧн, повтӧмӧн, уна тӧдысь мортӧн. Татшӧмӧн вӧліны Афанасий Никитин, Николай Миклухо-Маклай, Витус Беринг, мукӧд. Ӧні нималӧны Фёдор Конюхов, Дмитрий Шпаро, Артур Чилингаров... Тайӧ вына, повтӧм йӧз. Ми зэв радӧсь, мый и миян Изьваын эмӧсь войвыв мулысь аслыспӧлсунсӧ туялысь йӧз.

Лым сылан тӧлысь заводитчигӧн кык путешественник мӧдӧдчисны туйӧ. Ӧтиыс — Николай Рочев, миян районын паськыда тӧдса чужан му туялысь, турист, альпинист. Мӧдыс — Сергей Семьяшкин. Сійӧ велӧдӧ Эжваса ӧти школаын физкультура, вужъяснас Изьваысь жӧ, дедыс сылӧн — Комиын нималана композитор Глеб Васильевич Семьяшкин.

Кузь туйӧ Воркутасянь Ямал кӧджӧ мӧдӧдчисны подӧн. Могыс — дасътысьны 2009-ӧд воын лызь вылын Войвыв полюсӧд ветлӧм кежлӧ. Кӧсйисны тӧдмавны, уна-ӧ да кутшӧм сӧян колӧ босьтны туйӧ, кутшӧм паськӧм да снаряжение лӧсялас да кызди петкӧдлас асьсӧ походын. Шуам, сӧяныс вӧлӧма сідз шусяна сублимированнӧй — ичӧт давление дырйи да ӧна кӧдзыдын косътӧм. Татшӧмсӧ пӧ сӧйӧны космонавтъя-

яс. Дадь пыдди босьтлісны крепиды пластикысь байдарка. Оз-ӧ потлась сійӧ кӧдзыд дырйи? Тайӧ да уна мукӧд юалӧм сулалӧма туйӧ петысьяс водзын.

Медым воны Ямал кӧджӧдз, колӧма медводз мунны Из бердса Пай-Хойӧ, сӧсянь вуджны Байдарацкӧй губа да веськавны Ямалса метеостанция вылӧ. Воӧдчисны, но поводя тшыксьӧм вӧсна йи вылысь му вылӧ петісны неуна бокӧджык. Карта вылын кӧ тайӧ коласътыс некымын сантиметр, збыль вылас — сӧсысь унджык километр.

Уна виччысьтӧмтор вӧлӧма туяс. Байдарацкӧй губа вуджигӧн шойчиганыс йиыс торъялӧма да кутӧма кывтны — дрейфуйтны. Ветлысь-мунысьяс абу шӧйӧвошӧмаӧсь да кутӧмаӧсь бур вылӧ лача. Сідзи и лоӧма. Мӧдыс казъявлӧмаӧсь еджыд ошлысь кок туйсӧ. Куимысь вуджлӧма лызь туйсӧ, но мунысьяслы син водзас абу петкӧдчылӧма.

Туйысь бергӧдчӧм бӧрын Ни-

колай Васильевич воліс миян школаӧ аддзысьлыны велӧдысьяскӧд да велӧдчысьяскӧд. Неважӧн на и ачыс велӧдіс тані география. Сійӧ висътасис да петкӧдліс миянлы фотографіяяс, видеосюжетъяс, юксис поход йывсьыс мӧвпъяснас, вочавидзис юалӧмъяс вылӧ. Юалім, полисны-ӧ походас, вӧлі-ӧ налы сьӧкыд? Николай Васильевич шуис, сьӧкыд пӧ, дерт, но интереснӧ. Ӑна кынмалӧмаӧсь, мӧдзӧмаӧсь, ӧд луннас ковмылӧма мунны комын километрӧдз. А рытнас нӧшта на тундраын либӧ йиас пӧвстын сувтӧдны палатка да узьмӧдчыны сәні. Пӧшти быд лун вӧлӧма тӧла. Но та вылӧ видзӧдтӧг повтӧм йӧз воӧдчӧмаӧсь урчитӧминас.

Ямал чуймӧдӧма найӧс вӧрванас. Ми чайтлім, мый тундраад некод оз ов, но, вӧлӧмкӧ, туйвывсаяс паныдавлӧмаӧсь и йӧзӧс. Неыджыд посӧлокын кежавлӧмаӧсь школаас, сәні пӧ налӧн бур, ыджыд спортзал, уна компьютер.

Ми кутам лача, мый Николай Рочев да Сергей Семьяшкин пӧртасны олӧмӧ асьыныс кӧсйӧмсӧ — воӧдчасны Войвыв полюсӧдз, сувтӧдасны сәні Коми Республикалысь флаг.

Том гижысьяслӧн кӧкъямысӧд Гожся университет

«Ловъя кыб», 1 (25) петас

2008 вося лӧддза-номъя 24 лун

Адрес: Сыктывкар, Ленин нима улича, 73 керка, Россия Федерацияса финн-йӧгра войтырлӧн культура шӧрин

Редколлегия: Ирина Игнатова, Анна Козлова, Ия Ладанова, Вера Логинова, Юлия Морокова, Диана Прокушева, Валентина Суворова, Алина Филиппова, Василий Чупров

Петас вӧсна кывкутысь — Павел Симпелев